

Timor Leste: taxa kresimentu PIBd¹ La'os-Petroliferu versaun preliminararia 2020

Taxa kresimentu PIBd La'os Petroliferu iha tinan 2020 tun -8.5% iha presu konstante, kompara ho tinan 2019 ne'ebe sa'e +1.8%. Redusaun signifkante iha investimentu sai kauza ba kresimentu ekonomia ne'ebe negativu. Tuir mai mudansa husi komponente hirak husi PIBd La'os Petroliferu nian:

- **Formasaun kapital fiksi publika** iha tinan 2020 tun -49.8%. Ida ne'e prinsipalmennte kauza husi instabilidade politika, ne'ebe rezulta ba adoptasaun rejime duodesimu durante fulan sanulu nia laran. Iha sorin seluk, pandemia Covid-19 agrava liu tan prosesu investimentu ne'ebe estagna hela.
- **Konsumu publiku** sa'e 1%, sai hanesan mudansa kontrariu ba redusaun iha komponente PIBd La'os-Petroliferu sira hotu. Taxa kresimentu ida ne'e mai husi aumentu iha despeza governu ba kategoria bens no servisu, no salariu no vensimentu. Aumentu iha despeza ba bens no servisu prinsipalmennte mai husi alokasaun montante osan signifkante ba fundu administrasaun publiku² Covid-19 nian. Konsumu publiku bele sai ki'ik liu tan husi pur volta -4%, sekarak konsumu governu la inklui fundu ne'ebe aloka ba manajementu pandemia Covid-19.
- **Despeza parseria dezvoltimentu** mos tun -28.3%. Iha tinan 2020 konsumu no investimentu husi parseria dezvoltimentu monu kauza husi efektu kombinasau husi impase politika no pandemia Covid-19.
- **Investimentu privadu** hetan afetadu maka'as kauza husi kombinasau impaktu husi inserteja politika no establesimentu estadu emergjensia tanba covid-19, partikularmente iha trimestre segundu iha tinan 2020. Konsekuentemente, empreza barak maka hamenus oras operasaun, ne'ebe hodi rezulta ba redusaun oras servisu funsionariu sira nian. Aleinde ne'e, empreza balun mos taka mezmhu hetan ajuda finanseiru husi governu.
- Estadu Emergjensia mos impede aktividade ekonomia um-kain nian, ho nune'e, kauza ba redusaun **konsumu uma-kain** nian. Mesmu nune'e, governu fo suporta maka'as liu husi transferensia osan no bens/hahan, ne'ebe ajuda ona uma-kain barak hodi redus impaktu husi prejuisu ne'ebe akontese durante estadu emergjensia, espesialmente iha trimestre segundu tinan 2020. Konsumu uma-kain bele sai tun liu tan, sekarak laiha suporta maka'as husi governu ba uma-kain iha tinan 2020.
- **Esportasaun bens no servisu** tun pur volta -41.4%. Esportasaun kafe monu iha tinan 2020, kauza husi produsaun kafe ne'ebe tun. Aleinde ne'e, esportasaun ne'ebe monu, afeta mos husi interupsau iha komersiu internasional tamba pandemia Covid-19.
- **Importasaun bens no servisu** mos tun -17.1%. Iha tinan 2020, restrisaun iha fronteira internasional ne'ebe hanesan medida responde ba pandemia Covid-19, kauza interupsau iha komersiu ba bens no servisu entre Timor Leste ho nasaun seluk. Redusaun substansial iha importasaun ba servisu sai hanesan mos konsekuensia husi investimentu publiku ne'ebe tun maka'as.

NOTA TEKNIKU: Ida ne'e hanesan primeira vez ba Direcção Geral de Estatística (DGE) atu divulga Kontas Nasionais (KN) versaun preliminararia. Versaun preliminararia ba PIBd La'os-Petroliferu 2020 ida ne'e, ne'ebe publika iha fulan Marsu 2021, bazeia ba informasaun atual ne'ebe disponivel konaba indikadores ba despeza iha Timor-Leste. Objektivu husi publikasaun ida ne'e atu fornese informasaun ne'ebe aktualizadu/atempada konaba kresimentu ekonomia iha Timor-Leste. Versaun final ba PIBd La'os-Petroliferu ba tinan 2020 sei inklui mos informasaun husi parte PIB Petroliferu no PIB produsaun, ne'ebe sei publika iha fulan Setembru/Outubru tinan 2021. Versaun final sei akuradu liu tan tanba sei inklui dados hotu-hotu, espesialmente dados husi parte produsaun nian (Peskiza konaba Atividade Emprezarial). Ho razau ida ne'e, taxa kresimentu PIB 2020 iha versaun final karik sei diferente oituan ho versaun preliminararia.

¹ Produto Interno Bruto husi parte despeza

² Konseitu ida ne'e esklui transferensia ba uma-kain. Transferensia husi governu ba uma-kain, no remitansia husi rai liur konsideradu indiretamente iha konsumu privadu.

ANEKSU: Timor Leste, taxa kresimentu PIBd La'os-Petroliferu versaun preliminar³

Komponente PIBd La'os-Petroliferu 2020	Mudansa Anual (%)	Kontribuisaun ba Kresimentu (PP) ⁴
Konsumu Privadu	-2.3	-1.5
Investimentu Privadu	-38.8	-1.6
Parseira Dezenvolvimentu	-28.3	-3.4
Konsumu Final Publiku	1.0	0.5
Investimentu Publiku	-49.8	-10.9
Esportasaun Bens no Servisus	-41.4	-0.8
Esportasaun Bens	-32.9	-0.3
Esportasaun Servisus	-50.6	-0.5
Importasaun Bens no Servisus	-17.1	-9.2
Importasaun Bens	-8.3	-2.6
Importasaun Servisus	-29.5	-6.6
Mudansa Inventariu	-3.0	-0.1
PIBd La'os-Petroliferu	-8.5	-8.5

³ Bazeia ba dados, suposisaun (*assumption*) no identidade kontas nasionais, atualiza regularmente konforme ba disponibilidade indikadores atual.

⁴ Kontribuisaun ba Kresimentu mak kontribuisaun husi kada komponente PIBd La'os-Petroliferu ba kresimentu PIBd La'os-Petroliferu, apresenta iha Pontu Persentajen (PP). Ho nune'e, total pontu persentajen ba komponente hotu (menus pontu persentajen ba importasaun bens no servisus) sai hanesan ho taxa kresimentu PIBd La'os-Petroliferu.